

ՀԱՍՏԱՏՎԱՅԻՆԸՆԴՀԱՆՈՒՐ

ՀԱՍՏԱՏՎԱԾ

Մասնակության գործերով կառավարիչների  
կողեզիա» Ինքնակարգավորվող  
կազմակերպության Դիտորդ խորհրդի

2017թ. ապրիլի 11-ի արձանագրությամբ

«Մասնակության գործերով կառավարիչների  
կողեզիա» Ինքնակարգավորվող  
կազմակերպության Ընդհանուր ժողովի

2017թ. մայիսի 27-ի թիվ 1 որոշմամբ

«ՍԳԿԿ» ԻԿԿ

Դիտորդ խորհրդի նախագահ  
Ա. Զիտյան

«ՍԳԿԿ» ԻԿԿ նախագահ  
Ա. Զիտյան

# ԱՆԴԱՍԱՎՃԱՐՆԵՐԻ, ՄՈՒՏՔԻ ԵՎ ԱՅԼ ՎՃԱՐՆԵՐԻ ՉԱՓԻ ՈՒ ՎՃԱՐՄԱՆ ՎԵՐԱԲԵՐՅԱԼ ԿԱՐԳ

Հայաստանի Հանրապետություն  
քաղաք Երևան

2017թ.

## 1. ԸՆԴՀԱՆՈՒՐ ԴՐՈՒՅԹՆԵՐ

1.1.ՀՀ օրենսդրության, «Մնանկության մասին» ՀՀ օրենքին համապատասխան, Անդամավճարների, մուտքի և այլ վճարների չափերի ու վճարման վերաբերյալ կարգը (այսուհետ՝ Կարգ) սահմանում է Մնանկության գործերով կառավարիչների կողեզիա» Ինքնակարգավորվող կազմակերպության անդամների կողմից վճարվելիք անդամավճարների, մուտքի և այլ վճարների իրականացման չափը, կարգը, ժամկետները և պայմանները:

### 1.2.Սույն կարգի նպատակներն են՝

- Կանոնադրությամբ սահմանված կարգով կազմավորել Կազմակերպության սեփականությունը,
- սահմանել Կազմակերպությանը վճարվելիք անդամավճարների, մուտքի և այլ վճարների իրականացման չափը,
- սահմանել Կազմակերպությանը վճարվելիք անդամավճարների, մուտքի և այլ վճարների իրականացման ժամկետները և դրանց հաշվարկման կարգը,

### 1.3.Կազմակերպության գործունեությունն իրականացնելու համար նրա անդամները պարտավոր են վճարել՝

- մուտքի վճար,
- անդամավճար,
- լրացուցիչ անդամավճար:

1.4.Կազմակերպության սեփականությունը գոյանում է նաև դրամաշնորհներից, նվիրատվություններից և Օրենքով սահմանված կարգով իրականացված այլ գործունեությունից, այդ թվում օտարերկրյա աղբյուրներից: Կազմակերպության անդամների կողմից սեփականության իրավունքով Կազմակերպությանը հանձնած, ինչպես նաև այլ աղբյուրներից ստացված գույքը Կազմակերպության սեփականությունն է:

1.5.Կազմակերպությանը վճարվելիք անդամավճարները, մուտքի և այլ վճարները սնանկության գործով կառավարիչները իրականացվում են կանխիկ ձևով կամ Կազմակերպության հաշվեհամարին փոխանցելու միջոցով:

## 2. ԱՆԴԱՄԱՎՃԱՐՆԵՐԸ ԵՎ ԱՅԼ ՎՃԱՐՆԵՐԸ ՎՃԱՐԵԼՈՒ ՉԱՓԸ ԵՎ ԺԱՄԿԵՏՆԵՐԸ

2.1.«ՍԳԿԿ» ԻԿԿ-ին անդամակցելու համար անդամության թեկնածուները պարտավոր են Կազմակերպության բանկային հաշվին փոխանցել կամ կանխիկ վճարել՝ Ընդհանուր ժողովի կողմից հաստատված մուտքի վճարը, որը կազմում է 5.000.000 (հինգ միլիոն) ՀՀ դրամ:

2.2.Մուտքի վճարի վճարումը կատարվում է Կազմակերպությանը անդամակցելու վերաբերյալ դիմումը ներկայացնելուց առաջ:

2.3.Կազմակերպության անդամակցությունը կամավոր դադարեցնելու կամ անդամին ընկերությունից հեռացնելու դեպքում նախապես վճարված մուտքի վճարը և անդամավճարներ ենթակա չեն հետ վերադարձման:

2.4.Այնպիսի դեպքերում, եթք Դիտորդ խորհուրդը որոշում է կայացնում Կազմակերպությանը անդամագրվելու դիմումը մերժելու վերաբերյալ, նախապես վճարված մուտքի վճարը վերադարձվում է դիմումատուին՝ որոշման ընդունման պահից մեկամսաժամկետում, նրա կողմից նշված բանկային հաշվին փոխանցելու միջոցով:

2.5.Կազմակերպության անդամները պարտավոր են վճարել Ընդհանուր ժողովի կողմից հաստատված անդամավճար, որը կազմում է ամսեկան 1000 (հազար) ՀՀ դրամ: Անդամավճարի վճարումը կատարվում է անկախ սնանկության գործով կառավարչի վարույթում գտնվող վարույթների քանակից:

2.6.Դիտորդ խորհրդի կողմից սահմանված դրամական տույժերը վճարվում են Կազմակերպության կանոնադրության, Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման կարգով նախատեսված դեպքերում և կատարվում են կանխիկ կամ Կազմակերպության հաշվեհամարին փոխանցելու միջոցով:

## 3. ԿԱԶՄԱԿԵՐՊՈՒԹՅԱՆ ԿՈՂՄԻՑ ՀԱՍՏԱՏՎԱԾ ԱՅԼ ՎՃԱՐՆԵՐԸ ՎՃԱՐԵԼՈՒ ՉԱՓԸ ԵՎ ԿԱՐԳԸ

3.1.Կազմակերպության անդամները, բացի մուտքի վճարից և ամսեկան անդամավճարից պարտավոր են Կազմակերպությանը վճարել նաև՝ սույն Կարգով սահմանված չափով լրացուցիչ անդամավճար:

3.2. Լրացուցիչ անդամավճարը գոյանում է կառավարչի վարձատրությունից և կազմում է դրա 5 (հինգ) տոկոսը:

3.3. Լրացուցիչ անդամավճարը կառավարիչը պարտավոր է վճարել իրեն հասանելիք վարձատրությունը ստանալուց հետո՝ եռօրյա ժամկետում:

3.4. Լրացուցիչ անդամավճարը վճարելու հետ մեկտեղ կառավարիչը պարտավոր է Կազմակերպությանը ներկայացնել նաև քաղվածք բաշխման ծրագրից:

#### 4. ԴՐԱՄԱՇՆՈՐՉՆԵՐԻ ԵՎ ՆՎԻՐԱՏՎՈՒԹՅՈՒՆՆԵՐԻ ՏՐԱՄԱԴՐՄԱՆ ԵՎ ՕԳՏԱԳՈՐԾՄԱՆ ՊԱՅՄԱՆՆԵՐԸ

4.1. Կազմակերպության անդամները, ինչպես նաև ցանկացած ֆիզիկական կամ իրավաբանական անձինք իրավունք ունեն ֆինանսական աջակցություն ցուցաբերել Կազմակերպությանը, որը կարող է իրականացվել գույքի անհատույց փոխանցման, ծառայությունների մատուցման կամ նվիրատվության միջոցով:

Նվիրատվությունների և ֆինանսական աջակցությունների արդյունքում գոյացած գումարները կամ այլ նյութական միջոցները հանդիսանում են Կազմակերպության սեփականությունը և օգտագործվում են միայն Կազմակերպության նպատակների իրագործման համար:

4.2. Բացառիկ դեպքերում Դիտորդ խորհրդի կողմից կարող է որոշում կայացվել Կազմակերպության անդամներին անհապաղ ֆինանսական օգնություն ցուցաբերելու վերաբերյալ: Ֆինանսական աջակցության տրամադրման չափը և կարգը որոշվում է Դիտորդ խորհրդի կողմից:

4.3. Կամավոր նվիրատվությունները և ֆինանսական աջակցությունը չեն կարող համարվել որպես մշտապես վճարվող անդամավճարներ:

#### 5. ԱՆԴԱՄԱՎՃԱՐՆԵՐԻ, ՄՈՒՏՔԻ ԵՎ ԱՅԼ ՎՃԱՐՆԵՐԻ ՊԱՏՇԱճ ԿԱՏԱՐՄԱՆ ՆԿԱՏՄԱՍԲ ՎԵՐԱՀԱԿՈՒԹՅՈՒՆԸ

5.1. Կազմակերպության համապատասխան մարմինները իրավասու են վերահսկողություն իրականացնել անդամների կողմից անդամավճարների, մուտքի և այլ վճարների վճարումների նկատմամբ: Կազմակերպության մարմինները կարող են իրականացնել ստուգումներ և ճշտել փոխանցված վճարների չափը:

5.2.Վերահսկողությունն իրականացնելու նպատակով Կազմակերպության համապատասխան մարմինները իրավասու են սնանկության գործով կառավարիչներից պահանջելու անհրաժեշտ բոլոր փաստաթղթերը:

5.3.Եթե կառավարիչը ներկայացնում է սխալ կամ ոչ ճշգրիտ հաշվետվություն, որը նվազեցնում է նրա կողմից վճարվելիք գումարների չափը, դա հանգեցնում է կառավարչի նկատմամբ կարգապահական պատասխանատվության:

5.4.Եթե կառավարիչը իր ներկայացրած փաստաթղթերում հայտնաբերել է ոչ ճշգրիտ տվյալներ կամ անհամապատասխանություններ և միջոցներ է ձեռնարկել դրանք վերացնելու ուղղությամբ, ապա վերջինս ենթակա չէ կարգապահական պատասխանատվության:

## 6. ԵԶՐԱՓԱԿԻՉ ԴՐՈՒՅԹՆԵՐ

6.1.Կազմակերպության անդամի կողմից իրականացվելիք վճարումների պարտավորությունների պարբերական խախտումների /եռամսյակում՝ երկու անգամից ավելի/ առկայության դեպքում Գործադիր տնօրենը իրավասու է դիմում ներկայացնել Կարգապահական հանձնաժողովին, որը Կազմակերպության կանոնադրությամբ սահմանված կարգով հարուցում է կարգապահական վարույթ:

6.1.2.Սույն Կարգով հաստատված անդամավճարները, մուտքի և այլ վճարները սնանկության գործով կառավարիչների կողմից չկատարելու դեպքում, դրանց բոնագանձումը կատարում է դատական կարգով:

6.2.Կազմակերպության անդամակցությունը կամավոր դադարեցնելու դեպքում կառավարչի դիմումի հետ միաժամանակ Դիտորդ խորհրդի կողմից քննվում է նաև Կազմակերպության հանդեպ նրա դրամական պարտավորությունների առկայությունը: Այնպիսի դեպքերում, եթե կան անդամավճարի կամ այլ վճարների պարտավորություններ, անդամակցության դադարեցման հարցը կասեցվում է՝ մինչև այդ պարտավորությունների կատարումը:

6.3.Այնպիսի դեպքերում, եթե սնանկության գործով կառավարչի իրավասությունները դադարեցվում են կառավարչին առաջադրվող պայմանների անհամապատասխանության, կարգապահական պատասխանատվության կամ որակազրկման հիմքով, անդամավճարների կամ այլ վճարների բոնագանձումը կատարվում է դատական կարգով:

6.4. Սույն Կարգը ուժի մեջ է մտնում Կազմակերպության Ընդհանուր ժողովի կողմից հաստատելու պահից: